

I. Disposicións xerais

MINISTERIO DA PRESIDENCIA

DISPOÑO:

14643 REAL DECRETO 1472/2008, do 5 de setembro, polo que se modifica o Real decreto 1054/2003, do 1 de agosto, polo que se aproba a norma de calidade para determinados tipos de leite conservado parcial ou totalmente deshidratado destinados á alimentación humana. («BOE» 216, do 6-9-2008.)

O Real decreto 1054/2003, do 1 de agosto, polo que se aproba a Norma de calidade para determinados tipos de leite conservado parcial ou totalmente deshidratado destinados á alimentación humana, recolle os requisitos establecidos pola Directiva 2001/114/CE do Consello, do 20 de decembro de 2001, relativa a determinados tipos de leite conservado parcial ou totalmente deshidratado destinados á alimentación humana.

A Directiva 2007/61/CE do Consello, do 26 de setembro de 2007, que modifica a Directiva 2001/114/CE do Consello, do 20 de decembro de 2001, relativa a determinados tipos de leite conservado parcial ou totalmente deshidratado destinados á alimentación humana, tendo en conta a crecente necesidade de harmonización no comercio internacional do leite e produtos lácteos, autoriza a normalización do contido de proteínas de determinados tipos de leite conservado total ou parcialmente deshidratado nun contido mínimo do 34 por cento en peso, expresado en extracto seco magro.

Paralelamente á normalización, tamén define as materias primas así como a composición das materias primas utilizadas para o axuste do contido de proteínas.

Así mesmo, permite a adición de vitaminas e minerais de acordo co Regulamento (CE) 1925/2006 do Parlamento Europeo e do Consello, do 20 de decembro de 2006, sobre a adición de vitaminas, minerais e outras substancias determinadas aos alimentos.

A incorporación ao noso ordenamento xurídico interno da Directiva 2007/61/CE constitúe o obxecto deste real decreto que modifica a norma de calidade para determinados tipos de leite conservado parcial ou totalmente deshidratado destinados á alimentación humana, aprobada polo Real decreto 1054/2003, do 1 de agosto.

Na súa tramitación foron consultadas as comunidades autónomas e as entidades representativas dos sectores afectados, tendo emitido informe preceptivo a Comisión Interministerial para a Ordenación Alimentaria.

Na súa virtude, por proposta da ministra de Medio Ambiente, e Medio Rural e Mariño e do ministro de Sanidade e Consumo, de acordo o Consello de Estado e logo de deliberación do Consello de Ministros na súa reunión do día 5 de setembro de 2008,

Artigo único. *Modificación do Real decreto 1054/2003, do 1 de agosto, polo que se aproba a norma de calidade para determinados tipos de leite conservado parcial ou totalmente deshidratado destinados á alimentación humana.*

O artigo único do Real decreto 1054/2003, do 1 de agosto, polo que se aproba a norma de calidade para determinados tipos de leite conservado parcial ou totalmente deshidratado destinados á alimentación humana, queda modificado como segue:

Un. O primeiro parágrafo do número 1.1 da Norma de calidade para determinados tipos de leite conservado parcial ou totalmente deshidratado destinados á alimentación humana, queda redactado nos seguintes termos:

«1.1 Leite parcialmente deshidratado.—É o produto líquido, con ou sen adición de azucre, obtido por eliminación parcial da auga do leite, do leite desnatado ou parcialmente desnatado ou dunha mestura destes produtos, ao que pode térselle engadido nata, leite totalmente deshidratado ou ambos produtos, sen que a cantidade de leite deshidratado engadido supere, no produto final, o 25 por cento do extracto seco total procedente do leite.»

Dous. O primeiro parágrafo do número 1.2 da Norma de calidade para determinados tipos de leite conservado parcial ou totalmente deshidratado destinados á alimentación humana, queda redactado do seguinte xeito:

«1.2 Leite totalmente deshidratado.—É o produto sólido obtido por eliminación da auga do leite, do leite desnatado ou parcialmente desnatado, da nata ou dunha mestura destes produtos e cuxo contido de auga é igual ou inferior a un 5 por cento en peso do produto final.»

Tres. O número 2 da Norma de calidade para determinados tipos de leite conservado parcial ou totalmente deshidratado destinados á alimentación humana, queda redactado do seguinte xeito:

«2. Tratamentos, adicións autorizadas e materias primas:

2.1 Tratamentos:

a) Para a fabricación de leite condensado, leite condensado parcialmente desnatado, leite condensado semidesnatado e leite condensado desnatado, autorízase o tratamento por medio de lactosa en cantidade adicional non superior ao 0,03 por cento en peso do produto final.

b) Sen prexuízo do disposto no Regulamento (CE) n.º 853/2004 do Parlamento Europeo e do Con-

sello, do 29 de abril de 2004, polo que se establecen normas específicas de hixiene dos alimentos de orixe animal, a conservación dos produtos recollidos nos números 1.1 e 1.2 será obtida polos seguintes procedementos:

1.º Tratamento térmico (esterilización, UHT, etc.), no caso dos distintos tipos de leite evaporado.

2.º Adición de sacarosa, no caso dos distintos tipos de leite condensado.

3.º Deshidratación, no caso dos distintos tipos de leite en po.

c) Sen prexuízo dos requisitos de composición dos números 1.1 e 1.2, o contido proteínico do leite poderá axustarse a un contido mínimo do 34 por cento en peso, expresado en extracto seco magro, mediante a adición ou a eliminación dos compoñentes do leite de maneira que non se altere a relación entre a proteína de lactosoro e a caseína do leite axustado.

2.2 Adicións autorizadas e materias primas:

a) Vitaminas e minerais de acordo co Regulamento (CE) 1925/2006 do Parlamento Europeo e do Consello, do 20 de decembro de 2006, sobre a adición de vitaminas, minerais e outras substancias determinadas aos alimentos.

b) As materias primas autorizadas para axustar o contido de proteínas a que fai referencia a letra c) do número 2.1 son as seguintes:

1.º Retentado do leite:

O retentado do leite é o produto que se obtén da concentración da proteína do leite mediante ultrafiltración de leite, leite parcialmente desnatado ou leite desnatado.

2.º Permeado do leite:

O permeado do leite é o produto que se obtén da extracción da proteína e a graxa do leite mediante ultrafiltración de leite, leite parcialmente desnatado ou leite desnatado.

3.º Lactosa:

A lactosa é un compoñente natural do leite, normalmente obtido do lactosoro cun contido de lactosa anhidra igual ou superior a 99,0 por cento m/m sobre extracto seco. Pode ser anhidra ou conter unha molécula de auga de cristalización ou ser unha mestura de ambas as dúas formas.»

Disposición derradeira primeira. *Incorporación de dereito comunitario.*

Mediante este real decreto procédese a incorporar ao noso ordenamento xurídico interno a Directiva 2007/61/CE, do 26 de setembro de 2007, que modifica a Directiva 2001/114/CE do Consello, do 20 de decembro de 2001, relativa a determinados tipos de leite conservado parcial ou totalmente deshidratado destinados á alimentación humana.

Disposición derradeira segunda. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 5 de setembro de 2008.

JUAN CARLOS R.

A vicepresidenta primeira do Goberno
e ministra da Presidencia,

MARÍA TERESA FERNÁNDEZ DE LA VEGA SANZ

14692 *ORDE PRE/2543/2008, do 4 de setembro, pola que se inclúen as substancias activas difetialona e dióxido de carbono nos anexos I e IA, respectivamente, do Real decreto 1054/2002, do 11 de outubro, polo que se regula o proceso de avaliación para o rexistro, autorización e comercialización de biocidas.* («BOE» 217, do 8-9-2008.)

O Real decreto 1054/2002, do 11 de outubro, polo que se regula o proceso de avaliación para o rexistro, autorización e comercialización de biocidas, traspuxo ao dereito interno a Directiva 98/8/CE, do Parlamento Europeo e do Consello, do 16 de febreiro de 1998, relativa á comercialización de biocidas.

Nos anexos I e IA deste real decreto, que coinciden cos do mesmo número da directiva citada, que se titulan «Lista de substancias activas para a súa inclusión en biocidas» e «Lista de substancias activas para a súa inclusión en biocidas de baixo risco», respectivamente, débense incluír previamente as substancias activas que vaian formar parte dun biocida ou dun biocida de baixo risco, para poder inscribir este no Rexistro Oficial de Biocidas e, se é o caso, poder obter o recoñecemento mutuo de rexistro nos outros Estados da Unión Europea.

Como consecuencia do estudo e avaliación realizados no ámbito comunitario, a Comisión aprobou a inclusión nos anexos I e IA da Directiva 98/8/CE, do Parlamento Europeo e do Consello, do 16 de febreiro de 1998, das substancias activas difetialona e dióxido de carbono, respectivamente, para o seu uso en biocidas e biocidas de baixo risco do tipo de rodenticidas. Isto foi realizado por medio da Directiva 2007/69/CE, da Comisión, do 29 de novembro de 2007, pola que se modifica a Directiva 98/8/CE, do Parlamento Europeo e do Consello, de forma que inclúa a difetialona como substancia activa no seu anexo I, e da Directiva 2007/70/CE, da Comisión, do 29 de novembro de 2007, pola que se modifica a Directiva 98/8/CE, do Parlamento Europeo e do Consello, de forma que inclúa o dióxido de carbono como substancia activa no seu anexo IA.

Mediante esta orde traspóñense ao ordenamento xurídico interno as directivas 2007/69/CE e 2007/70/CE, da Comisión, do 29 de novembro de 2007. Así mesmo, establécense os requisitos que deberán cumprir as empresas que desexen seguir comercializando biocidas e biocidas de baixo risco do tipo rodenticidas que conteñan difetialona e dióxido de carbono, respectivamente, para acreditaren ante a Dirección Xeral de Saúde Pública e Sanidade Exterior do Ministerio de Sanidade e Consumo o cumprimento das condicións de inclusión establecidas nesta orde.

No entanto, dado que as características da substancia activa difetialona a fan potencialmente persistente, propensa á bioacumulación ou tóxica, ou moi persistente e moi propensa á bioacumulación, esta substancia activa deberá ser obxecto dunha avaliación de riscos comparativa no ámbito da Unión Europea antes de que se renove a súa inclusión no anexo I do Real decreto 1054/2002, do 11 de outubro.

Na elaboración desta disposición foron oídos os sectores afectados e consultadas as comunidades autónomas.

Esta orde dítase ao abeiro do establecido na disposición derradeira segunda do Real decreto 1054/2002, do 11 de outubro.

Na súa virtude, por proposta dos ministros de Sanidade e Consumo e de Medio Ambiente, e Medio Rural e Mariño, de acordo co Consello de Estado, dispoño:

Artigo único. *Modificación do Real decreto 1054/2002, do 11 de outubro, polo que se regula o proceso de avaliación para o rexistro, autorización e comercialización de biocidas.*

O Real decreto 1054/2002, do 11 de outubro, polo que se regula o proceso de avaliación para o rexistro, autori-